



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ԳԵՂԱՐՔՈՒՆԻՔԻ ՄԱՐԶՊԵՏ
ԿԱՐԳԱԴՐՈՒԹՅՈՒՆ

N 77 - Ա

12 մայիսի 2016 թ.

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳԵՂԱՐՔՈՒՆԻՔԻ ՄԱՐԶԱՅԻՆ
ԵՆԹԱԿԱՅՈՒԹՅԱՆ ՀԱՆՐԱԿՐԹԱԿԱՆ ՈՒՍՈՒՄՆԱԿԱՆ
ՀԱՍՏԱՏՈՒԹՅՈՒՆՆԵՐԻ 2015-2016 ՈՒՍՈՒՄՆԱԿԱՆ ՏԱՐՎԱ ՓՈԽԱԴՐԱԿԱՆ,
ԱՎԱՐՏԱԿԱՆ ԵՎ ՊԵՏԱԿԱՆ ԱՎԱՐՏԱԿԱՆ ՔՆՆՈՒԹՅՈՒՆՆԵՐԸ
ԿԱԶՄԱԿԵՐՊԵԼՈՒ ՄԱՍԻՆ

Ղեկավարվելով «Կրթության մասին» Հայաստանի Հանրապետության օրենքի 38-րդ հոդվածի 1-ին և 2-րդ մասերի, «Հանրակրթության մասին» Հայաստանի Հանրապետության օրենքի 31-րդ հոդվածի 1-ին մասի 1-ին և 2-րդ կետերի, Հայաստանի Հանրապետության Նախագահի 1997թվականի մայիսի 6-ի N ՆՀ-728 հրամանագրի 1.6-րդ կետի, 1.21-րդ կետի «գ» ենթակետի դրույթներով և հիմք ընդունելով Հայաստանի Հանրապետության կրթության և գիտության նախարարի 2012 թվականի մայիսի 3-ի N 388-Ն հրամանի պահանջները

Կարգադրում եմ՝

1. Մարզային ենթակայության հանրակրթական ուսումնական հաստատությունների տնօրեններին՝

1) 2015-2016 ուսումնական տարվա շրջանավարտների «Վերջին դաս» խորագիրը կրող միջոցառումները անցկացնել միայն դպրոցներում՝ ս/ թ մայիսի 27- ին, դասացուցակով նախատեսված վերջին դասաժամին

2) քնակության վայրից դուրս դպրոցականների էքսկուրսիաների և այլ միջոցառումների կազմակերպումը համաձայնեցնել մարզպետարանի աշխատակազմի կրթության, մշակույթի և սպորտի վարչության հետ ու ձեռնարկել բոլոր անհրաժեշտ միջոցառումները դպրոցականների առողջությունն ու կյանքի անվտանգությունն ապահովելու համար

3) 2015-2016 ուսումնական տարվա աշակերտների փոխադրման (գիտելիքների ստուգման), ավարտական և պետական ավարտական քննությունները կազմակերպել Հայաստանի Հանրապետության կրթության և գիտության նախարարի 2012 թվականի մայիսի 3-ի N 388-Ն և 2016 թվականի մայիսի 6-ի N 415-Ա/Ք հրամաններով հաստատված կարգերի պահանջներին համապատասխան

- 4) սույն կարգադրությունը ընթերցել բոլոր դասարաններում և մասսայականացնել ծնողական ժողովներում:
2. ՀՀ Գեղարքունիքի մարզի համայնքների ղեկավարներին՝ համագործակցել մարզային ենթակայության հանրակրթական ուսումնական հաստատությունների տնօրենների հետ՝ կազմակերպելու և պատշաճ մակարդակով անցկացնելու շրջանավարտների «Վերջին դաս» միջոցառումները:
3. Առաջարկել ՀՀ ոստիկանության Գեղարքունիքի մարզային վարչությանը (պետ՝ Ա. Ադամյան)՝ համապատասխան միջոցներ ձեռնարկել շրջանավարտների «Վերջին դաս» միջոցառման և միասնական քննությունների օրերին հասարակական կարգի պահպանման ուղղությամբ:
4. ՀՀ Գեղարքունիքի մարզպետարանի աշխատակազմի կրթության, մշակույթի և սպորտի վարչությանը /պետ՝ Գ. Բադալյան/՝ մարզային ենթակայության հանրակրթական ուսումնական հաստատություններում վերահսկել սովորողների փոխադրման (գիտելիքների ստուգում), ավարտական և պետական ավարտական քննությունների կազմակերպման աշխատանքները:
5. ՀՀ Գեղարքունիքի մարզպետարանի աշխատակազմի տեղեկատվության և հասարակայնության հետ կապերի բաժնին /վարիչ՝ Հ. Շահբազյան/՝ տեղական մամուլով, հեռուստատեսությամբ և ռադիոյով լուսաբանել քննությունների ընթացքը:
6. Սույն կարգադրության կատարման հսկողությունը վերապահել մարզպետի տեղակալ Ա. Հակոբյանին:
7. Սույն կարգադրությունն ուժի մեջ է մտնում ստորագրման պահից:



N. Badalyan

ՌԱՖԻԿ ԳՐԻԳՈՐՅԱՆ